

## **დეკანოზი ანდრია ჯალმაიძე - რატომ ატყდა ასეთი დიდი ამბავი, საპატრიარქომ მადლობა გადაუხადა ხალხსო? ეს ადამიანები პატრიარქისადმი სიყვარულს გამოხატავდნენ დაუფარავად**



საპატრიარქოს საზოგადოებასთან ურთიერთობის სამსახურის უფროსი, დეკანოზი ანდრია ჯალმაიძე განმარტავს, რატომ გადაუხადა მადლობა საპატრიარქომ „საქართველოს მარადისობის დღის“ დაფუძნების ინიციატორებსა და შეკრების მონაწილეებს.

როგორც დეკანოზი ანდრია ჯალმაიძე სოციალურ ქსელში წერს, ეს ადამიანები პატრიარქისადმი სიყვარულს დაუფარავად გამოხატავდნენ.

„რატომ ატყდა ასეთი დიდი ამბავი, საპატრიარქომ მადლობა გადაუხადა ხალხსო? ეს ადამიანები პატრიარქისადმი სიყვარულს გამოხატავდნენ დაუფარავად. ეს ადამიანები არ იღებენ პატრიარქისადმი გამოხატულ შეურაცხყოფას და მოსახლეობის უდიდესი ნაწილია ეს. მადლობა მათ საზოგადოებასთან ურთიერთობის სამსახურის სახელით, მათ ესმით ჩვენი. უამრავი უცხო ადამიანი დღეს ქუჩაში მაჩერებდა და მადლობას გვიხდოდა და პატრიარქთან თბილ სიტყვებს მბარებდა. როდესაც თბილ სიტყვებს

გეუბნებიან, მადლობას უხდი, ეს მარტივი თავაზიანობაა. დარწმუნებული ვარ ასევე იქცევინ თავად ისინი, ვინც ეს გაიკვირვა“, – აცხადებს ჯალმაიძე.

ცნობისთვის, „საქართველოს მარადისობის დღის“ დაფუძნების ინიციატორები და შეკრების მონაწილეები მსვლელობით ევროპის მოედნიდან საქართველოს საპატრიარქომდე მივიდნენ, სადაც ისინი სამღვდელო პირებმა დალოცეს და ნაკურთი წყალი ასხურეს.

საქართველოს საპატრიარქოს ვებ-გვერდზე ასევე გავრცელდა შეკრების ამსახველი ფოტოები წარწერით „მადლობა“.

— [ipn.ge](http://ipn.ge)